



## Universitätsbibliothek Paderborn

### **Qvæstiones Morales Selectiores De Lege Interna Et Externa**

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

[De Lege Interna]

**Beati, Gabriele**

**Augustæ Vindelicorum, 1729**

**VD18 90108957**

64 Per quid peccata, specie inter se differant.

**urn:nbn:de:hbz:466:1-39908**

in se contineat committendi mortale, cum stare possit simul cum firmissimo proposito non admittendi mortale.

## COROLLARIVM.

**16** Colligitur ex dictis; Aliquando propositum committendi venialia, posse esse peccatum mortale. Si quis enim propositum habeat committendi venialia, dum sunt illi occasiones proximae mortalia; vt, si quis proponat ludere sciens, ludum illi esse proximam occasionem

blasphemandi; vel illa venialia, quæ cum alijs venialibus unita constituunt mortale in ea circumstantia, in quâ illud constituant; vt, si quis proponat multa surta committere, in paruâ quantitate, quæ simul unita constituant quantitatem sufficientem ad mortale; certè iste tunc mortaliter peccabit; hoc tamen non orietur, ex eo præcisè, quod sit propositum admittendi venialia, sed ex eo, quod sit propositum admittendi venialia, in ea circumstantia, in quâ, vel sunt periculum proximum mortalis, vel illud constituunt. Ita Salas loco cit.

## Q V A E S T I O L X I V .

*Per quid peccata, specie, inter se differant.*

## C A S V S.

**1** IN quadam Religione, inter regulas, quæ obligabant sub mortali, erat hæc, ne Religiosi sub poenâ excommunicationis sine Superioris licentiâ, extra Monasterium, noctu comederent. Quidam autem Religiosus, ad coenam ab amico inuitatus, inscio Superiore, noctu apud illum cœnauit. Quæritur, quot peccata mortalia commiserit.

## S U M M A R I V M .

- 3** Religiosus, unicum peccatum commisso videtur contra Votum obedientie.
- 7** Per quid, unum peccatum ab alio distinguatur.
- 8** Ex diuersitate Virtutum, colligitur diuersitas peccatorum, & non è contra.

- 9** Religiosus, duplex peccatum commisit.
- 10** Contra Votum, & contra regulam.
- 11** Cur sint obligationes diuersæ.
- 12** Quæ limitatio adai possit.
- 13** Votum, & regula, quas obligationes inducant.
- 14** Sepsum, ac decimum Decalogi preceptum, quomodo differant.

**15** Quo-

- 15 Quomodo multiplicitas præceptorum, arguat multiplicitatem peccatorum.
- 16 Sacerdos Beneficiarius, officium omit-tendo, quot peccata committat.
- 17 Sacerdotem occidens, quot peccata committat.
- 18 Peccatum odii, sit ne vnum, an mul-tiplex.
- 19 Blasphemia in loco Sacro, quotuplex sit peccatum.
- 20 Idem peccatum, pluribus legibus pos-te est esse prohibitum.
- 21 Peccata cordis, per quid specie diffe-rant.
- 22 Per quid, peccata oris.
- 23 Per quid, peccata operis.
- 24 Regula ad specificam peccatorum di-versitatem dignoscendam.

## RATIONES DVBITANDI.

**C**Vm ex Tridentino sess. 14. c. 5. ad Confessionis valorem singula pec-cata, & circumstantiae mutantes speciem sint explicandæ. Vt, & Confessarij de peccatorum specie, ac numero recte iudicare, & Pœnitentes vtrumque prout oportet declarare valeant. Non abs re erit ostendere; ex quo, eorum distin-ctio, siue specifica, siue numerica desu-matur; Sic enim, statui poterit regula, ad eorum species, ac numerum facilius dignoscendum, & in Confessione expli-candum.

**3** Videtur ergo Religiosus, extra Mo-nasterium cœnando vnicum peccatum commississe contra Votum obedientia, quo regulam vovit; Ita Sotus lib. 7. iust. qu. 2. art. 3. ad primum. *Ledesma in sum. Sacr. tr. de pœn. c. 19.*

Primò. Quia Voti obligatio, & ob-<sup>4</sup>ligatio regulæ, non sunt obligationes specie diuersæ, alioquin dici posset, etiam obligationes iuris naturalis, diui-ni, ac humani, esse tres obligationes spe-cie diuersas; non magis enim inter se differunt illæ, quam istæ; Ergo Reli-giosus, noctu, inscio Superiore, extra Monasterium cœnando, quamvis fecerit contra Votum, & contra regulam, non tamen commisit duo peccata mortalia, sed vnum, alioquin etiam Vsurarius, v. g. dando ad usuram, tria peccata committeret; faceret enim contra præ-ceptum Diuinum, naturale, ac huma-num; quod tamen nemo concedit.

Secundò; Quia, si Religiosus, sic ex-<sup>5</sup>tra Monasterium cœnando, dno pecca-ta commisisset, etiam qui ex affectu rei alienæ, nullâ interpositâ morâ, moue-tur ad furandum, duo peccata commit-teret, vnum contra decimum Decalogi præceptum, quo desiderium rei alienæ direc-tè veratur, alterum contra septimum quo furtum prohibetur, magis enim dif-ferunt inter se septimum præceptum, ac decimum, quam obligatio Voti, ac regulæ. Sed nemo dicit, eum, qui ex affectu rei alienæ, mouetur ad furan-dum, duo peccata commisisse, sed vnum; Ergo neque Religiosus, sic ex-tra Monasterium cœnando, duo pecca-ta commisit, sed vnum.

Tertiò; Quia Multiplicitas præ-<sup>6</sup>ceptorum non rectè arguit multiplici-tatem peccatorum; alioquin ad multipli-citatem peccatorum requireretur multi-plicitas præceptorum, Diuersitas enim præceptorum esset mensura, vnde de-

Ss 2 sume-

sumeretur diuersitas peccatorum. Sed peccata multiplicari possunt specie, etiam non multiplicatis præceptis, fornicatio enim, adulterium, pollutio, & bestialitas, specie inter se differunt, & tamen omnia, vni eidemque præcepto castitatis opponuntur. Ergo multiplicitas præceptorum, non recte arguit multiplicitatem peccatorum, ideoque ex eo, quod Religiosus fecerit contra Votum ac regulam, non recte infertur, duo peccata commisisse.

## NOTABILIA.

**A**Duertendum est primò, cum idem sit principium constitutivum cuiuscumque rei, & illius distinctum à qualibet alia, hinc fieri, vt, sicut peccatum constituitur in esse peccati per contrarietatem ad regulam rationis; ita per diuersitatem eiusdem contrarietas specie differat ab alijs, hæc autem diuersitas colligitur à posteriori ex diuersitate præceptorum, quibus opponitur, ex diuersitate, inquam, non materiali, secundum quam, plura præcepta inter se differunt solum ratione diuersorum præcipientium; nam eadem res, v. g. eadem vñca, prohiberi simul potest præcepto diuino, naturali, ac humano; sed formal, secundum quam plura præcepta inter se differunt, ratione diuersorum finium, vel motiuorum, propter quæ aliquid præcipiunt, vel prohibent: Cum enim peccatum sit transgressio legis, vel præcepti, eo ipso, quod præceptum, est formaliter diuersum, ratione diuersi motiu, etiam ipsa transgressio est diuer-

sa: Quoniam verò propter idem motuum præcipi, vel prohiberi possunt aliquando res inter se notabiliter diuersa; vt cum ex eodem motu Castitatis prohibetur fornicatio, pollutio, Sodomia, &c. hinc est, vt aliquando etiam peccata inter se differant iuxta diuersitatem rerum, quæ præcipiuntur, vel prohibentur. Quamuis tunc etiam res illæ, præter finem communem, alium etiam habeant specialem, ut considerant patebit.

Aduertendum est secundo, quamvis verū sit, peccata diuersis virtutibus opposita, specie distingui, non tamen è contra esse vniuersaliter vñcu, quoties peccata specie distinguuntur, toties esse contra virtutes diuersas; nam castitas est virtus vñitis speciei, & tamen peccata contra castitatem sunt multa, specie diuersa, vt fornicatio, adulterium incestus &c. Similiter liberalitas, est vna virtus secundum speciem, & tamen eidem opponitur avaritia, ac prodigalitas, quæ specie inter se differunt. Diuersitas ergo specifica peccatorum, colligitur propriè ex diuersitate specifica dictaminum rationis, quibus peccata illa opponuntur, sicut enim peccatum iniustitiae consistit in hoc, quod opponatur dictamini rationis dictanti, proximum non esse lædendum in bonis suis. Ita, quia Proximus, quatuor bonorum genera habet, in quibus lædi potest, scilicet Vitam, Honorem, Famam, & Res temporales. Hinc fit, vt quatuor etiam dentur dictamina specie diuersa, quorum primum dictat; Proximum non esse lædendum in vita: & huic opponitur ho-

mici.

miquidum, Secundum dicitur, non esse lædendum in honore; & huic opponitur Contumelia. Tertium dicitur, non esse lædendum in fama, & huic opponitur detractio. Quartum denique dicitur, non esse lædendum in rebus; & huic opponitur furtum; Dictamina autem ista, specie differunt, quia respiciunt bona notabiliter, sive specie diuersa. His positis,

## RESOLVTIO.

**9** AD Casum Respondetur; Religiosum probabilius commissile duplex peccatum, alterum contra Votum, quo voulit regulam, alterum contra ipsam regulam Ita *Suar. tom. 3. de relig. lib. 10. c. 6. num. 6. Sanc. lib. 4. sum. c. 11. num. 25. Vasq. d. 98. c. 3. num. 7. Salas tr. 13. d. 3. f. 2. num. 16. & alij apud istos.*

**10** Primo; Quia peccatum est legis transgressio. Ergo, ubi lex est diuersa, etiam transgressio est diuersa. Lex autem Voti, ac Regulae, videtur esse diuersa; regula enim vim habet subditos obligandi, iuxta varias materias, & motiuia virtutum, cum hic fuerit finis Legislatoris in condenda regula. Votum verò solùm ex virtute Religionis; Vnde, quatenus est contra regulam, pertinet ad diuersas species, iuxta diuersas materias; quatenus verò est contra Votum, semper est eiusdem speciei in simae, & pertinet ad eandem virtutem Religionis.

**11** Secundo; Quia Regula, sicut, & præceptum Superioris, ratione potestatis à Pon-

tifice communicata, vim habet consti-  
tuendi rem præceptam in materia virtutis, iuxta varias materias, instar legum, cum ipsa etiam regula sit lex; & Votum obligat semper in materia religionis, ad seruanda promissa Deo facta. Hæ autem duæ obligationes videntur esse spe-  
cie diuersæ. Ergo etiam peccata erunt duo specie diuersa, & in confessione ex-  
plicanda.

Limitat, optimè *Sanchez*, ut hoc ve- **12**  
rum sit in Superioris præcepto, solùm quando Superior præcipiens obligare vellet ex vi utriusque potestatis, quam  
habet, & à Pontifice, & ex vi Voti  
obedientiae; ut, si aliquid præciperet  
in virtute obedientiae & sub pœna ex-  
communicationis; quia tunc per virtutem  
obedientiae exigit obedientiam Voto  
sibi debitam, per pœnam verò ex-  
communicationis exigit obedientiam  
sibi, ut Prælato, debitam. Si autem  
præcipiat solùm in virtute obedientiae,  
probabilius est, tunc unicum esse pecca-  
tum contra Votum, quia, cum non con-  
stet, intentionem Superioris esse, utro-  
que modo præcipere, non strictius, sed  
fauorabilius in dubium iudicandum est.

## OBIECTION VM SOLVTIO.

**AD** rationes autem oppositas Respon- **13**  
detur; ad primam; Negatur ante-  
cedens. Votum enim inducit obliga-  
tionem ex motiuo Religionis; Regula  
verò, ex motiuo illius virtutis, ad quam  
pertinet actus, per regulam præcep-  
tus; regula enim, cum sit quadam  
lex, constituit materiam præceptam  
in

Ss 3

in ea virtute, ad quam materia illa spectat, sicut faciunt aliae leges; quia hoc regulariter est motuum Legislatoris, dum regulam condit, aut præceptum imponit. Atque hinc est, vt si quis omittat rem præceptam, non satis sit, fateri regulæ transgressionem, sed explicari etiam debeat materia regula, vt constet species peccati commissi, vt accidit etiam in alijs præceptis; qui enim omittit Sacrum in die festo, non satisfacit, dicendo; *Transgressus sum præceptum Ecclesiasticum*; sed explicare debet etiam materiam omissam, vt constet species peccati commissi. Cum ergo motuum regulæ, & motuum Voti, sint diuersa, & pertineant ad diuersas virtutes, constituere possunt obligationes formaliter diuersas, & refundere diuersas malitias in transgressionem. Ius verò naturale, diuinum, ac humanum, cum obligent ex eodem motu, & differant solùm ex parte Præcipientium, differunt solùm materialiter, ideoque refundere non possunt in transgressionem, malitias diuersas.

**I4** Ad secundam negatur sequela; Septimum enim, ac decimum præceptum, non differunt formaliter, cum habeant idem motuum, sed solùm materialiter, ratione rei præceptæ diuersæ, quatenus unum directè prohibet solùm actum internum, aliud verò etiam externum. At, Votum, ac regula, differunt formaliter, quia habent diuersum finem, ac motuum, vt dictum est.

**I5** Ad tertiam; Distinguo Antecedens; Multiplicitas specifica, & formalis præceptorum, non arguit multiplicitatem peccato-

rum; Nego antecedens: Cum enim peccatum, nihil sit aliud, quam legis transgresio, necessariò ad legis multiplicationem formalem, debet multiplicari. Multiplicitas materialis præceptorum, non arguit multiplicitatem peccatorum. Concedo Antecedens; Sicut enim peccatum non habet malitiam, per oppositionem ad legem, quatenus procedit à tali vel tali Legislatore, sed solùm quatenus est condita propter tale, vel tale motuum; ita nec diuersitatem habet à lege, quatenus pendet à tali Legislatore, sed solùm quatenus præcipit ex tali motu.

### COROLLARIA.

**C**olligitur ex dictis primò; Sacerdotem beneficiarium, Diuinum officium omittendo non committere duo peccata, quamvis faciat contra obligationem beneficij & Ordinis Sacri; nam utraque hac obligatio imposita est ex eodem motu religionis; vt Sacerdos, & beneficiarius, rebus sacris vacet. Similiter, qui die Dominico, in quem incidit dies festus alicuius Sancti, ex præcepto, Sacrum non audit, duo peccata non committit: quia plura hæc præcepta, non præcipiunt auditionem Sacri ex diverso, sed ex eodem motu Religionis. Contra verò Sacerdos, si in actum venereum consentiat, duo faltem peccata committit, quia actus venereus Sacerdoti, ex varijs præceptis, & propter diuersa motua, est prohibitus; scilicet, ex motu castitatis, ex motu Religionis ratione Voti, quod per actum venereum violatur.

Secundò; Eum, qui Sacerdotem occidit, committere plura peccata specie diuersa,

versa, quia facit contra plura præcepta, ex diuerso motiuo imposita; facit enim contra præceptum iustitiae, & contra reuerentiam Sacerdoti debitam. Similiter, qui sanguinem, in loco Sacro, voluntariè effundit, peccat contra iustitiam, sanguinem fundendo, & contra reuerentiam loco sacro specialiter debitam, ex præcepto Ecclesiæ, hanc reuerentiam, in hac materia, ex religionis motiuo præscribentis.

18 Tertiò; Peccatum odij erga proximum, quo quis vult illi malum circa facultates, vel honorem, vel personam, non esse plura peccata diuersa, sed unum; quia odium est peccatum, quod consummatur interius, & in suo esse specifico constituitur, potius ex motiuo, quam ex obiecto materiali. Ergo licet mala volita proximo specie differant, quia tamen optantur ex eodem motiuo, hoc est, ex displicentiâ personæ; ideo odium semper est vnius, eiusdemque speciei.

19 Quartò; Blasphemiam, & turpia colloquia in loco Sacro, præter malitiam, quam habent in alio loco, non habere etiam malitiam specialem in loco sacro, sicut habet pollutio; quia ista non sunt speciali lege humana prohibita, ne fiant in loco sacro, ob loci reuerentiam, sicut est prohibita pollutio.

20 Quintò; Posse peccatum aliquod esse eiusdem speciei, quamuis sit lege divina, naturali, ac humana prohibitum; quia lex tam divina, quam humana, illud ex eodem motiuo prohibere potest; atque ita de facto prohibetur usura, furtum &c.

21 Peccata cordis specie differre, ac

multiplicari; Primò, ratione obiecti, sive materiae specie diuersa; vt si quis velit occidere, ac furari. Secundò, ratione diuersæ circumstantiæ in eadem materia; vt, si quis velit furari in loco sacro. Tertiò, denique ratione finis diuersi ab ipsa materia; vt, si quis velit occidere, ut furetur; haec enim omnia habent deformitates, & oppositiones cum rectâ ratione, quæ communiter reputantur notabiliter diuersæ in genere moris.

Peccata oris specie differre; Primò, quando sermo est de obiectis, sive materiaj specie diuersis; vt sint, blasphemia, & contumelia. Secundò, quando est circa personas specie diuersas; vt contumelia dicta in Patrem, vel Regem, quia tunc censentur habere deformitates notabiliter diuersas contra pietatem, ac iustitiam; omnes tamen contumelias videntur esse eiusdem speciei, quia inter se notabiliter differre non videntur, cum omnes sint laesiæ eiusdem honoris, in quo tota earum malitia consistit.

Peccata operis specie differt, sicut peccata cordis; Primò, ratione materiae diuersa; vt, si quis occidat, & furetur. Secundò, ratione diuersæ circumstantiæ in eadem materia; vt, si quis furetur in loco sacro. Tertiò, denique ratione finis, à materia diuersi; vt, si quis occidat, vt furetur. Itæ enim omnes repugnantia cum rectâ ratione; censentur communiter inter se notabiliter diuersæ, in quâ notabili diuersitate consistit diuersitas specifica.

Ad dignoscendam diuersitatem specificam peccatorum, hanc statui posse tanquam

quam regulam vniuersalem. Cum peccatum, sit essentialiter transgressio legis internæ, ut dictum est; tot erunt peccata specie diuersa, quot erunt leges internæ notabiliter inter se diuersæ. Tunc autem, leges internæ erunt notabiliter diuersæ, cum habebunt motiuia præcipiendi, vel prohibendi, notabiliter diuersa. Tunc vero motiuia erunt notabiliter diuersa, cum à Viris prudentibus, talia iudicabuntur. Non quod iudicium prudentum hanc diuersitatem notabilem efficiat, sed quia, cum

ex rebus ipsis habere non possumus regulam certam, hæc tandem desumenda est ex iudicio prudentum; in eoque sistendum est. Sic Incestus, & Adulterium, specie differunt, quia incestus est transgressio legis internæ dictantis; non esse accedendum ad non suam propter reuerentiam debitam sanguini. Adulterium vero est transgressio alterius legis internæ dictantis, non esse accedendum ad non suam, quia aliena est: Quæ duo motiuia, prudentum iudicio, notabiliter inter se differunt.

### QVÆSTIO LXV.

*Per quid peccata, quæ exterius perficiuntur, inter se, numero distinguantur.*

C A S V S.

**D**VM in quadam Ecclesiâ, magna populi multitudo, ad Sacramentum Eucharistiae recipiendum confluenter; Parochus, quamvis cum conscientia peccati mortalis, plurium Confessiones audiuit, eisque Eucharistiam ministravit. Quæritur; Vnum ne, an plura peccata commiserit.

#### S V M M A R I V M.

- 3 Plurium Confessiones audire in statu peccati mortalis, videtur vnum numero peccatum.
- 8 Peccata alia sunt merè interna, alia etiam externa.
- 9 Plurium Confessiones sic audire, sunt plura peccata.
- 10 Plures Confessiones, sunt plures actiones completæ, & inter se non vniuersales.

- 11 Sicut percusso Petri, & percusso Pauli.
- 12 Diuersitas numerica peccatorum sumitur ex diuersitate obiectorum, vel actionum externarum.
- 13 Confessiones nihil habent, in quo uniri possint.
- 14 Non ordinantur ad aliquid aliud.
- 15 Sicut plura periuria ad confirmandam candom salutarem.

16.Ve-